

est, quia posterior etiam ita exponi potest, quod *præstitis bonis operibus salus sequatur, quamvis per alia merita & ex aliâ causâ*, non enim opus est ut in promissione ad meritum proprium respiciamus.

7. Distingvunt quidam cum adversariis inter hanc phrasin: *bona opera sunt necessaria ad salutem*; Et illam: *benefacere, præcepta DEi observare, est necessarium ad salutem*. Calixtus dicit se priorem nunquam usurpasse, sed posteriorem. Verùm inepta & ridicula est distinctio, cum bona opera nihil aliud dicant, quam *bene operari* in esse completo. Utraque verò à nobis rejicitur.
8. Distinguendum inter abstractum seu *salutem*, & concretum seu *salvandum*. Huic bona opera sunt necessaria, sed non ad priorem.
9. Distinguendum inter *salvandum, qui est talis, & quatenus est talis*. Illi, non huic sunt necessaria. Posterior enim tantùm fiduciali apprehensione meriti Christi opus habet.

CONFIRMATIO.

Probari potest Aphorismus ex universâ epistola ad Galatas, in quâ & rem & rei modum Apostolus exponit: Culpat eos, qui sub schemate necessitatis bona opera articulo de salute æternâ volebant inferre & cap. V, 12. anathema illis dicit: Hinc turbas nominat, earumque originem indicat, cap. I, 7. cap. II, 4. Capite III, 1. 2. 3. incipit declarare totam hanc controversiam & stultam doctrinam vocat, quæ operibus salutis meritum adscribat.

ANTITHESIS.

Operistarum omnium.

ARTICULUS XIIX.

DE

POENITENTIA.

APHORISMUS

Pœniten-
tiæ descri-
ptio.

Pœnitentia est salutaris conversio hominis peccatoris à DEo gratiosè præventi, vocati & novis viribus instructi, peccata à se commissa ferio dolentis & fiduciam suam

am